

STICHTING MUSICA A ENTREGA PREMIO NA E GANADORNAN DI ARUBA CAISO & SOCA MONARCH 2020

Stichting Musica ta haci su maximo esfuerzo pa por cumpli cu tur participante y banda, en particular e ganadornan di Aruba Caiso & Soca Monarch, pa loke ta trata e entrega di premio financiero. Ya a bira un custumber cu esaki ta tuma lugar prome cu e temporada di Carnaval caba y e biaha aki no ta un excepcion.

Durante un anochi ameno na Balashi Beer Garden, Stichting Musica a ricibi e ganadornan y despues di duna un palabra di elogio y gradicimento na sponsornan, colaboradornan y voluntario di e festival, e ceremonia oficial a tuma lugar.

CAISO

3er lugar: Lady Ambiance (Tabitha Smith-Heemstadt) - cancion: Arise - banda: Ambiance - compositor: Tabitha Smith-Heemstadt y areglista: Dwain Elias Heemstadt

2do lugar: Blacky (Mervin Baptiste) - cancion: No Place Like Home - banda: N Fuzion - compositor: Richard Quant & Adolfo Richardson - areglista: Adolfo Richardson

1e lugar: Galloway (Carl Roosberg) - cancion: A True Role Model - banda: Tsunami - compositor: Carl Roosberg - areglista: Kenny Philips

SOCA

3er lugar: Tattoo (Richard Quant) - cancion: Carnival Is We - banda: Zeta Band - compositor: Richard Quant - areglista: Adolfo Richardson

2do lugar: T-Money (Tony Mingo) - cancion: Flag Fest - banda: Le Groove - compositor y areglista: Antoni Gario

1e lugar: Black Diamond (Antoni Gario) - cancion: Cucu Soup - banda: Le Groove - compositor y areglista: Antoni Gario

Fuera di e premio pa e artista, banda, compositor y areglista ganador pa ambos categoria Caiso y Soca, tambe a honra algun premio di incentiva:

Best Costume: Blacky (Mervin Baptiste) cu tabata tin diferente costume pa ambos anochi final di ACSM2020, cual ambos tabata sumamente bunita acaba.

Best Dressed Band: N Fuzion y Tsunami (empate). Ambos banda a sa di luci durante tur dos anochi final di ACSM2020 cu e banda completo bon uniforme y ta cuadra cu e temanan cu a wordo presenta.

Best Caiso Show: Lady Ambiance (Tabitha Smith-Heemstadt) cual show a wordo interpreta den forma artistico/teatral e nificacion di su cancion "Arise".

Cu hopi placer Stichting Musica a duna espacio na Serlimar pa entrega un premio na nos Caiso Monarch y Soca Monarch. Aruba Vision Center a otorga ambos Monarch un bril di solo di marca Bolon pa nan por luci durante e paradanan di fin di siman y tur ganador di e festival a ricibi un bunita recuerdo fotografico di parti e revista/website Bacchanal.

Stichting Musica ta sumamente agradecido na Setar NV, Aruba Tourism Authority, Aeropuerto Internacional Reina Beatrix, Ministerio di Finansa, Economia y Cultura, Elite Productions y Tropical Bottling Company pa nan sosten y pa por haci e festival di gran magnitud aki posibel.

Un invitacion ta bai na henter pueblo di Aruba pa bin celebra e ultimo parada y evento di Carnaval 66, cual ta e "Old Mask Parade" y kimamento di Momo cu lo tuma lugar riba diamars, 25 di februari for di 7 PM na San Nicolas. Pa mas informacion y desaroyo por sigi e Facebook page di Stichting Musica.